

- (2) Свака новопримљена животиња мора да буде прво евидентирана и смјештена у за то предвиђену просторију до превоза животиње у склониште, осим у случају из члана 10. овог правилника.
- (3) Уколико склониште није у могућности прихватити ухваћену животињу, хигијенски сервис дужан је да животињи обезбједи прихват у хигијенском сервису, у трајању десет дана за псе и четрнаест дана за мачке, од дана проналаска.

Члан 23.

(Прихват животиње)

- (1) За вријеме периода прихвата животиње хигијенски сервис дужан је примјенити следеће мјере:
- редовно појење и храњење животиње;
 - дезинфекцију над животињом приликом пријема и отпуштања из карантина;
 - смјештај и лијечење животиње обољеле у карантину у специјални објекат;
 - у случају угинућа, обавезно утврђивање узрока угинућа.
- (2) У карантин је дозвољен приступ само запосленима, доктору ветеринарске медицине и лицима по одобрењу надлежне инспекције.
- (3) По истеку рока из члана 22. став (3) овог правилника хигијенски сервис дужан је, у сарадњи са уговорном ветеринарском организацијом, да проведе поступак кастрације или стерилизације и обиљежавања животиње, те након опоравка од таквог захвата да проведе њено пуштање у околину из које је узета, осим у случају да се нађу лица која ће преузети бригу о животињи, за шта лице мора потписати изјаву о удомљавању.

Члан 24.

(Евиденција)

- (1) Евиденција о животињама укључује податке о:
- примљеним (вријеме пријаве, вријеме пријема животиње у хигијенски сервис, пол, тежина, број идентификационог обиљежја, уколико је пас обиљежен, процјена старости, иницијално опажање о здравственом стању, фотографија животиње, мјесто на којем је пронађена животиња);
 - упућеним у склониште (датум упућивања и адреса склоништа у које је животиња упућена);
 - удомљеним (датум удомљавања, адреса и број телефона удомиоца);
 - стерилисаним или кастрираним (датум стерилизације или кастрације);
 - обиљеженим жутом маркицом на уху;
 - пуштеним на мјесто налазишта (локација на коју је пас пуштен, број маркице);
 - угинулим или еутаназираним (разлог угинућа или еутаназije, датум еутаназije, име и презиме, потпис и печат ветеринара који је извршио еутаназiju);
 - евиденција о здравственом стању животиња.
- (2) Све евиденције које се воде о животињама у хигијенском сервису морају се редовно обнављати.
- (3) Евиденције из става (1) овог члана морају се дати на увид на захтјев ветеринарске инспекције.

Члан 25.

(Еутаназija)

Уколико пронађена животиња приликом пријема или за вријеме боравка у хигијенском сервису ипољава једно од стања из члана 14. став (1) Закона, животиња се еутаназира у складу са чланом 15. став (1) Закона.

Члан 26.

(Специјалне одредбе)

Хигијенски сервис састоји се од:

- просторије или простора за пријем (идентификацију/евиденцију) и преглед животиња, који обавља доктор ветеринарске медицине;
- одвојене просторије, простора (кавези, спремници) за држање различитих врста животиња, према потреби;

- просторија за смјештај обољелих животиња;
- складишта за опрему;
- просторије за спремање средстава за чишћење и дезинфекцију, која мора да буде закључана;
- просторије за чување, припрему и расподелу хране за животиње;
- хлађене просторије или простора (замрзивач) за одлагање лешина, за сопствене потребе;
- просторије за особље и
- санитарног чвора (WC, купаоница).

Члан 27.

(Простор за смјештај)

Простор за смјештај паса и мачака унутар хигијенског сервиса састоји се од бокса, за сваку животињу засебно, који површином мора да буде прилагођен величини животиње, адекватно загријан и климатизован.

Члан 28.

(Прелазне одредбе)

Хигијенски сервис који обављају дјелатност на дан ступања на снагу овог правилника, морају ускладити начин рада са одредбама овог правилника у року шест мјесеци од дана ступања на снагу овог правилника.

Члан 29.

(Ступање на снагу)

Овај правилник ступа на снагу осмог дана од дана објављивања у "Службеном гласнику БиХ".

Број 07-1-02-1035/10
17. марта 2010. године
Сарајево

Министар
Младен Зиројевић, с. р.

На основу члана 40. тачка h) Закона о заштити и добробити животиња ("Службени гласник БиХ", број 25/09), Министарство ванjsке трговине и економских односа, на приједлог Уреда за ветеринарство Босне и Херцеговине, доноси

PRAVILNIK**O OSNIVANJU I UVJETIMA KOJE MORAJU
ISPUNJAVATI HIGIJENSKI SERVISI**

Члан 1.

(Предмет)

Овим правилником се прописују увјети о оснивању и увјети које морају задовољавати хигијенски сервиси с обзиром на смјештај, начин изградње, опрему, начин рада и ветеринарско-здравствени ред.

Члан 2.

(Veterinarsko - zdravstveni red)

У смислу овог правилника, под појмом ветеринарско-здравствени ред подразумијева се осигурање објеката из члана 1. овог правилника од неконтролираног улaska и излaska људи, животиња и возила, одржавање реда и чистоће, те оптималних микроклиматских увјета својствених појединој врсти животиња у објектима и око њих, осигурање здравствене исправности воде, те примјену дератизације и дезинсекције.

Члан 3.

(Обавеза управног органа)

Управни органи у складу с одредбама Закона о заштити и добробити животиња ("Службени гласник БиХ", број 25/09, у даљњем тексту: Закон), према специфичним увјетима и потребима средине и бројности популације напуштених животиња дужни су основати хигијенски сервис за хватање и збринјаванје напуштених животиња.

Члан 4.

(Изузети)

Изузетно од одредби члана 3. овог правилника, у складу с проценом популације и специфичним увјетима и потребима средине, управни органи кантона, града или општине могу склопити

ugovorni odnos za vršenje usluga hvatanja i zbrinjavanja napuštenih životinja s higijenskim servisom registriranim za tu djelatnost s drugog područja.

Član 5.

(Uvjeti za osnivanje)

- (1) Higijenski servis može početi obavljati djelatnost na osnovu dozvole iz člana 29. stav (4) Zakona, koju izdaje nadležni upravni organ općine na čijem području se formira higijenski servis.
- (2) Higijenski servis može se formirati za potrebe više općina, u kom slučaju dozvolu za obavljanje djelatnosti iz člana 29. stav (4) Zakona, izdaje nadležni upravni organ općine na čijem području se formira higijenski servis.

Član 6.

(Dodatni uvjeti)

U obavljanju registrirane djelatnosti higijenski servis, uz odredbe Zakona i ovog pravilnika, u svom poslovanju mora ispunjavati i druge uvjete u skladu s posebnim veterinarskim propisima:

- a) o minimalnim standardima držanja životinja;
- b) o vođenju evidencije o životinjama i
- c) o prijevozu životinja.

Član 7.

(Zahtjev za izdavanje dozvole)

Uz zahtjev za izdavanje dozvole iz člana 4. ovog pravilnika, podnosi se:

- a) dokaz o registraciji;
- b) podaci o fizičkom ili pravnom licu kao podnosiocu zahtjeva (ime i prezime te adresa prebivališta fizičkog lica, odnosno naziv i sjedište pravnog lica);
- c) adresa higijenskog servisa;
- d) podaci o odgovornom licu (ime i prezime, adresa prebivališta);
- e) prikaz iz kojeg će biti vidljivo:
 - 1) planirani broj uposlenika zaduženih za brigu o životinjama, njihova edukacija i poslovi koje će obavljati;
 - 2) način osiguranja veterinarske zaštite životinja.

Član 8.

(Izdavanje dozvole)

Dozvola iz člana 5. st. (1) i (2) ovog pravilnika izdaje se podnosiocu zahtjeva u skladu s članom 29. stav (4) Zakona.

Član 9.

(Registar higijenskog servisa)

- 1) Higijenski servis se, na osnovu dozvole iz člana 5. ovog pravilnika, upisuje u Registar koji se vodi pri nadležnom upravnom organu općine koja je izdala dozvolu.
- 2) Evidencija u Registru iz stava (1) ovog člana mora sadržavati sljedeće podatke:
 - a) broj dozvole;
 - b) datum izdavanja dozvole;
 - c) adresa higijenskog servisa;
 - d) podatke o fizičkom ili pravnom licu koje obavlja djelatnost (ime i prezime te adresa prebivališta fizičkog lica, odnosno naziv i adresa sjedišta pravnog lica).

Član 10.

(Smještaj objekta)

Objekti iz člana 1. ovog pravilnika mogu biti smješteni unutar skloništa za životinje.

Član 11.

(Snabdjevenost objekta)

- (1) Objekti iz člana 1. ovog pravilnika moraju biti snabdjeveni dovoljnom količinom pitke vode iz javnog vodovoda ili vlastitog bunara.
- (2) Podovi, zidovi i stropovi prostora i prostorija objekata iz člana 1. ovog pravilnika u kojima su smještene životinje moraju biti od neporoznog i nehigroskopskog materijala koji

omogućava efikasno čišćenje, pranje i dezinfekciju, te otporni na grizenje i grebanje.

- (3) U prostorijama i prostorima u kojima borave životinje mora biti osigurano dovoljno dnevnog svjetla, prilagođeno pojedinoj vrsti životinja.

Član 12.

(Osiguranje dobrobiti)

Objekti iz člana 1. ovog pravilnika moraju zadovoljavati potrebama životinja smještenih u njima tako da životinje:

- a) ne trpe glad i žeđ;
- b) nisu izložene fizičkoj nelagodnosti i strahu;
- c) zaštićene su od povreda i bolesti.

Član 13.

(Rad sa strankama)

- (1) Radno vrijeme objekata iz člana 1. ovog pravilnika, koje se odnosi na rad sa strankama, mora biti najmanje osam sati radnim danom, a tokom 24 sata dnevno mora biti osigurano dežurstvo za prijem životinja u hitnim slučajevima.
- (2) Dežurstvo će biti organizirano u dogovoru s veterinarskom organizacijom na način koji obezbjeđuje hitnu veterinarsku pomoć životinji tokom 24 sata dnevno.

Član 14.

(Obavijest na ulazu u objekat)

Na ulazu u objekte iz člana 1. ovog pravilnika mora biti postavljena natpisna ploča s punim nazivom, adresom, telefonskim brojem, te oznakom radnog vremena.

Član 15.

(Osoblje)

U objektima iz člana 1. ovog pravilnika mora biti odgovarajući broj lica koja se brinu o životinjama.

Član 16.

(Rukovodioc objekta)

- (1) Objekti iz člana 1. ovog pravilnika moraju imati rukovodioca s odgovarajućim iskustvom stečenim u radu sa životinjama.
- (2) Rukovodilac brine o održavanju veterinarsko-zdravstvenog reda, a odgovoran je i za vođenje evidencije o životinjama, te za rad lica uključenih u rad objekata iz člana 1. ovog pravilnika.
- (3) Fizička lica koja obavljaju djelatnost u objektima iz člana 1. ovog pravilnika ne smiju biti osuđena za prekršajna djela nepropisnog postupanja sa životinjama u skladu s odredbama Zakona, niti za kaznena djela mučenja i ubijanja životinja u skladu s odredbama Kaznenog zakona Federacije Bosne i Hercegovine ("Službene novine FBiH" br.: 36/03, 37/03, 21/04, 69/04 i 18/05) i Kaznenog zakona Republike Srpske ("Službeni glasnik RS" br. 49/03, 108/04, 37/06 i 70/06).

Član 17.

(Veterinarska zaštita)

Pravna i fizička lica koja obavljaju djelatnost u objektima iz člana 1. ovog pravilnika, dužna su osigurati veterinarsku zaštitu zdravlja životinja do momenta upućivanja u sklonište za životinje.

Član 18.

(Postupanje nakon primitka saopćenja)

- (1) Pravna i fizička lica koja obavljaju djelatnost u objektima iz člana 1. ovog pravilnika dužna su nakon primitka saopćenja o pronađenoj životinji osigurati njeno hvatanje i prijevoz, ako lice koje je našlo životinju to ne može učiniti samo.
- (2) Pravna i fizička lica koja obavljaju djelatnost u objektima iz člana 1. ovog pravilnika dužna su osigurati prihvatanje životinje u roku 24 sata po primitku saopćenja, a ako je životinja povrijeđena, u roku četiri sata.

Član 19.
(Hvatanje životinja)

- (1) Hvatanje i prijevoz napuštenih životinja koje se uklanjaju s javnih površina vrše za to osposobljena lica, uz primjenu odgovarajuće opreme i hemijskih supstanci, i na način da se životinji nanosi najmanje boli, patnje, straha i stresa.
- (2) U odgovarajuću opremu spadaju:
 - a) povodac - kaiš;
 - b) sajla za hvatanje s fiksnim držačem;
 - c) duboke mreže za hvatanje sa ili bez držača;
 - d) brnjice;
 - e) kafezi i/ili spremnici za hvatanje.
- (3) Hvatanje životinja uz primjenu hemijskih supstanci smatra se veterinarskim postupkom i može ga provesti isključivo kvalificirani veterinar ili veterinarski tehničar koji je obučen za primjenu relevantnih supstanci za umirenje i anesteziranje.
 - a) dozvoljena supstanca za umirenje je acepromazin u gelu ili tableti ili kroz hranu.
 - b) dozvoljena supstanca za anesteziranje je kombinacija ketamina i xilazina/ili tiletamina, koja se koristi za hvatanje nesocijaliziranih i divljih životinja na većoj udaljenosti uz upotrebu cijevi za puhanje.
 - c) puške za omamljivanje dozvoljeno je koristiti samo u naseljenim područjima i u slučajevima kada su iscrpljene sve nabrojane metode.

Član 20.

(Hvatanje i postupanje sa divljom životinjom)

- (1) Hvatanje i smještanje divljih životinja i zaštićenih divljih životinja s javnih površina vrši se u skladu s propisima o zaštiti životinja, zaštiti prirode i veterinarstvu, te uz primjenu odgovarajuće opreme i sredstava za pojedinu vrstu životinje.
- (2) Uhvaćena divlja životinja zalutala iz lovišta na području grada/općine, odmah po hvatanju vraća se u lovište u saradnji s najbližim lovačkim društvom, osim ako nije uhvaćena divlja životinja za koju postoji opravdana sumnja da je opasna za širenje zaraznih bolesti, s kojima se postupa u skladu s članom 14. stav (1) tačka c) Zakona.
- (3) Troškove hvatanja divlje životinje od higijenskog servisa snosi lovačko društvo zakupnik prava lova u lovištu u kojem je životinja vraćena.

Član 21.

(Prijevoz životinja)

- (1) Pravna i fizička lica koja obavljaju djelatnost u objektima iz člana 1. ovog pravilnika moraju imati odgovarajuće vozilo ili prikolicu za prijevoz životinja.
- (2) Prijevoz životinje obavlja se u za to namijenjenom vozilu na način da se uspostavi siguran utovar, tranzit i istovar životinje, te da se životinja preveze u najkraćem mogućem roku.
- (3) Prostor za vozača mora biti odvojen od prostora za životinje čvrstom fizičkom ogradom.
- (4) Prostor za životinje unutar vozila ili prikolice mora osigurati:
 - a) dovoljno prostora za kafeze u kojima životinja normalno stoji ili leži;
 - b) optimalnu temperaturu unutar vozila, koja je najmanje 5°C, a najviše 30°C;
 - c) prozračnost;
 - d) nepostojanje oštrih ivica i ispupčenja na kojima se životinja može povrijediti;
 - e) opremljenost tako da uspostavlja siguran prijevoz životinje;
 - f) jednostavno čišćenje, pranje i dezinfekciju.
- (5) Na vozilu ili prikolici moraju biti vidljivo obilježeni naziv, adresa i telefonski broj objekata iz člana 1. ovog pravilnika.
- (6) U vozilu ili prikolici iz stava (1) ovog člana ne smiju se, u prostoru za životinje, istovremeno sa životinjama prevoziti nikakve druge stvari (proizvodi, sirovine, otpaci).

Član 22.
(Prijem životinja)

- (1) Pravna i fizička lica koja obavljaju djelatnost u objektima iz člana 1. ovog pravilnika dužna su uhvaćene, registrirane i obilježene životinje smjestiti u pojedinačne kafeze u posebnoj prostoriji, a neobilježene životinje također u pojedinačne kafeze u posebnoj prostoriji.
- (2) Svaka novoprimitljena životinja mora biti prvo evidentirana i smještena u za to predviđenu prostoriju do prijevoza životinje u sklonište, osim u slučaju iz člana 10. ovog pravilnika.
- (3) Ukoliko sklonište nije u mogućnosti prihvatiti uhvaćenu životinju, higijenski servis dužan je životinji osigurati prihvata u higijenskom servisu, u trajanju deset dana za pse i četrnaest dana za mačke, od dana pronalaska.

Član 23.

(Prihvata životinje)

- (1) Za vrijeme perioda prihvata životinje higijenski servis dužan je provesti sljedeće mjere:
 - a) redovno pojenje i hranjenje životinje;
 - b) dezinfekciju nad životinjom prilikom prijema i otpuštanja iz karantina;
 - c) smještaj i liječenje životinje oboljele u karantinu u poseban objekat;
 - d) u slučaju uginuća, obavezno utvrđivanje uzroka uginuća.
- (2) U karantin je dozvoljen pristup samo zaposlenima, doktoru veterinarske medicine i licima po odobrenju nadležne inspekcije.
- (3) Po isteku roka iz člana 22. stav (3) ovog pravilnika higijenski servis dužan je, u saradnji s ugovornom veterinarskom organizacijom, provesti postupak kastracije ili sterilizacije i obilježavanja životinje, te nakon oporavka od takvog zahvata provesti njeno puštanje u okolicu iz koje je uzeta, osim u slučaju da se nađu lica koje će preuzeti brigu o životinji, za šta lice mora potpisati izjavu o udomljavanju.

Član 24.

(Evidencija)

- (1) Evidencija o životinjama uključuje podatke o:
 - a) primljenim (vrijeme prijave, vrijeme prijema životinje u higijenski servis, spol, težina, broj identifikacijske oznake, ukoliko je pas obilježen, procjena starosti, inicijalno opažanje o zdravstvenom stanju, fotografija životinje, mjesto na kojem je pronađena životinja),
 - b) upućenim u sklonište (datum upućivanja i adresa skloništa u koje je životinja upućena);
 - c) udomljenim (datum udomljavanja, adresa i broj telefona udomioca);
 - d) steriliziranim ili kastriranim (datum sterilizacije ili kastracije);
 - e) obilježenim žutom markicom na uhu;
 - f) puštenim na mjesto nalazišta (lokacija na koju je pas pušten, broj markice);
 - g) uginulim ili eutanaziranim (razlog uginuća ili eutanazije, datum eutanazije, ime i prezime, potpis i pečat veterinara koji je izvršio eutanaziju);
 - h) evidencija o zdravstvenom stanju životinja.
- (2) Sve evidencije koje se vode o životinjama u higijenskom servisu moraju se redovno obnavljati.
- (3) Evidencije iz stava (1) ovog člana moraju se dati na uvid na zahtjev veterinarske inspekcije.

Član 25.

(Eutanazija)

Ukoliko pronađena životinja prilikom prijema ili za vrijeme boravka u higijenskom servisu ispoljava jedno od stanja iz člana 14. stav (1) Zakona, životinja se eutanazira u skladu s članom 15. stav (1) Zakona.

Član 26.

(Posebne odredbe)

Higijenski servis sastoji se od:

- a) prostorije ili prostora za prijem (identifikaciju/evenciju) i pregled životinja, koji obavlja doktor veterinarske medicine;
- b) odvojene prostorije, prostora (kafezi, spremnici) za držanje različitih vrsta životinja, prema potrebi;
- c) prostorija za smještaj oboljelih životinja;
- d) skladišta za opremu;
- e) prostorije za spremanje sredstava za čišćenje i dezinfekciju, koja mora biti zaključana;
- f) prostorije za čuvanje, pripremu i raspodjelu hrane za životinje;
- g) hladene prostorije ili prostora (zamrzivač) za odlaganje lešina, za vlastite potrebe;
- h) prostorije za osoblje i
- i) sanitarnog čvora (WC, kupaonica).

Član 27.

(Prostor za smještaj)

Prostor za smještaj pasa i mačaka unutar higijenskog servisa sastoji se od boksova, za svaku životinju zasebno, koji površinom mora biti prilagođen veličini životinje, adekvatno zagrijan i klimatiziran.

Član 28.

(Prijelazne odredbe)

Higijenski servisi koji obavljaju djelatnost na dan stupanja na snagu ovog pravilnika, moraju biti usklađeni s odredbama ovog pravilnika u roku šest mjeseci od dana stupanja na snagu ovog pravilnika.

Član 29.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenom glasniku BiH".

Broj 07-1-02-1035/10

17. marta 2010. godine

Sarajevo

Ministar

Mladen Zirojević, s. r.

148

Na temelju članka 40. točka c) Zakona o zaštiti i dobrobiti životinja ("Službeni glasnik BiH", broj 25/09), Ministarstvo vanjske trgovine i ekonomskih odnosa, na prijedlog Ureda za veterinarstvo Bosne i Hercegovine, donosi

PRAVILNIK

O DRŽANJU OPASNIH ŽIVOTINJA

Članak 1.

(Područje primjene)

- (1) Ovim se Pravilnikom potvrđuje pojam opasnih životinja kućnih ljubimaca i način postupanja s njima.
- (2) Odredbe ovoga Pravilnika ne primjenjuju se na službene pse koji se koriste za obavljanje poslova tijela državne uprave.

Članak 2.

(Pojmovnik)

Za potrebe ovoga Pravilnika pojedini pojmovi imaju sljedeće značenje:

- (1) "Opasna/potencijalno opasna divlja životinja" je ona vrsta životinja od koje postoji ili ne postoji rizik da prema svojim prirodnim/urođenim sklonostima ispoljava sklonost za napad na čovjeka kojim mu može nanijeti tjelesne ozljede ili ga usmrtiti.
- (2) "Opasan pas" je:
 - a) bilo koja jedinka te vrste, podrijetlom od bilo koje pasmine koja je:
 - 1) ničim izazvana, napala čovjeka i nanijela mu tjelesne ozljede ili ga usmrtila;
 - 2) ničim izazvana napala drugog psa i nanijela mu teške tjelesne ozljede;
 - 3) uzgajana i/ili dresirana za borbe pasa ili zatečena u organiziranoj borbi s drugim psom;

- b) pas pasmine terijera tipa *bull* koji ne potječe iz uzgoja iz članka 8. stavak (1) ovoga Pravilnika (*pit bull* terijer) i njegovi križanci.

- (3) Mjerodavna tijela su:

- a) Ured za veterinarstvo Bosne i Hercegovine (u daljnjem tekstu: UZV BiH);
- b) mjerodavna tijela entiteta - Federalno ministarstvo poljoprivrede, vodoprivrede i šumarstva, Ministarstvo poljoprivrede, šumarstva i vodoprivrede Republike Srpske i Odjel za poljoprivredu, šumarstvo i vodoprivredu Brčko Distrikta Bosne i Hercegovine.

Članak 3.

(Uvjeti i način držanja)

- (1) Posjednik opasne/potencijalno opasne životinje dužan je životinju držati sukladno propisima o zaštiti i dobrobiti životinja, veterinarstvu, zaštiti prirode, javnome redu i miru, te odredbama ovoga Pravilnika.
- (2) Na području Bosne i Hercegovine zabranjeno je držati kao kućne ljubimce opasne i potencijalno opasne životinjske vrste ustvrđene u Popisu opasnih i potencijalno opasnih životinjskih vrsta (prilog 1.), koji je sastavni dio ovoga Pravilnika.

Članak 4.

(Ustvrdivanje opasnih pasa i postupanje s njima)

- (1) Činjenicu da je pas opasan, osim za pse iz članka 8. stavak (4) ovoga Pravilnika, potvrđuje veterinarski inspektor ili ovlašteni veterinar i/ili kinološki stručnjak imenovan od kinološke organizacije po podnesenoj prijavi o ničim izazvanom napadu na čovjeka s nanesenim tjelesnim ozljedama ili usmrćenjem ili ničim izazvanom napadu na drugog psa s nanesenim teškim tjelesnim ozljedama.
- (2) Nakon provedenog postupka iz stavka (1) ovoga članka obavezan je upis psa u Upisnik pasa u rubriku "Opasan pas" te je potrebno u propisanu ispravu o upisu i cijepljenju psa protiv bjesnoće u rubriku "XI. OSTALO" upisati: "OPASAN PAS" o čemu veterinarska organizacija mora izvijestiti Kinološki savez Bosne i Hercegovine (u daljnjem tekstu: KS BiH) u roku od osam dana radi upisa ove činjenice u rodovnik.
- (3) Nakon provođenja postupaka iz st. (1) i (2) ovoga članka naređuju se mjere iz članka 7. st. (1) i (2) ovoga Pravilnika.
- (4) Upisnik pasa vodi UZV BiH sukladno članku 8. stavak (3) Zakona o zaštiti i dobrobiti životinja (u daljnjem tekstu: Zakon).

Članak 5.

(Obveze posjednika)

- (1) Posjednik opasnog psa mora osigurati njegovo označavanje mikročipom bez obzira na njegovu starost, sukladno posebnim veterinarskim propisima.
- (2) Posjednik opasnog psa mora osigurati njegovu kastraciju u roku od 14 dana nakon proglašavanja psa opasnim, o čemu posjednik životinje kao dokaz veterinarskom inspektoru ili ovlaštenom veterinaru dostavlja preslik računa za obavljanje uslugu.
- (3) Iznimno od odredbe stavka (2) ovoga članka, posjednik opasnog psa iz članka 8. stavak (4) ovoga Pravilnika, za psa koji nije napao čovjeka ili drugog psa, mora osigurati njegovu kastraciju do 30. lipnja 2010. godine.
- (4) Daljnje držanje opasnog psa:
 - a) koji je ničim izazvan napao čovjeka i nanio mu tjelesne ozljede;
 - b) koji je ničim izazvan napao drugog psa i nanio mu teške tjelesne ozljede;
 - c) koji je uzgajan i/ili dresiran za borbe pasa ili zatečen u organiziranoj borbi s drugim psom;
 - d) pasmine terijera tipa *bull* koji ne potječe iz uzgoja iz članka 8. stavak (1) ovoga Pravilnika (*pit bull* terijer) i njegovi križanci, nakon stupanja na snagu ovoga Pravilnika, moguće je ako posjednik ispunjava uvjete iz